

Aalisarnermut, Piniarnermut Nunalerinermullu Naalakkersuisoq
Medlem af Naalakkersuisut for Fiskeri, Fangst og Landbrug

Inatsisartunut ilaasortaq
Aleqa Hammond, Siumut



**Akissut apeqqummut nr. 160 Naalakkersuisunut Naalakkersuisut
pilersaarutaannut saarullit pisassat 2010-mi aalisarneqareerpata,
Naalakkersuisut sunik pilersaaruteqarpat aalisartut aningaasatigut
ajornartorsiulissanngippata?**

Naalakkersuisutut akisussaaffinni ulloq 10. december 2009-imi Naalakkersuisunut
apeqqutit tigusimavarput Inatsisartut Suleriaassaannut § 36 imm. 1-mut tunngasoq.

*1) Naalakkersuisut saarullinniarnissamik aalisarneqarsinnaasut annertussusissaat
2010-mi aalajangereersimavaat, 2009-milu saarullitassaniit ikinnerujussuusut
paasinarsivoq. Tassunga tunngatillugu Naalakkersuisut apererusuppakka,
aalisartunut pilersaarutaat suunersut, immaqa upernaannartoq aalisagassat
naammassineqareerpata, taava Naalakkersuisut qanoq pilersaaruteqarpat
aalisartut aningaasatigut ajornartorsiulissanngippata?*

Apeqqumut 1-mut akissut.

Naalakkersuisut eqqumaffigeqaat aalisartut pitsaasunik atugaqarnissaasa
qulakkeernissaannut. Taanna ilutigalugu Naalakkersuisut kissaatigaat
pinngortitalerinermi siunnersuutit malikkumallugit, taamaalilluni imminut
napatissinnaasumik aalisarsinnaaneq qulakkeerumallugu.

2010-mut saarullitassatut innersuunneqartut pinngortitalerinermi
siunnersuutigineqarsimavoq aalisarneqassanngitsut, soorlu 2009-misut. Tamanna
tunuliaqutaralugu Naalakkersuisut TAC-mi aalajangiussimavaat avataasiorluni
aalisariutinut 5.000 tons-inik, sinerissamilu saarullinniartunut aamma 5.000 tons-
inik. Taamaalilluni 2010-mi saarullitassat 2009-mut naleqqiullugit
affaannanngorlutik.

Naalakkersuisut ilisimavaat saarullitassat affaannanngortinnerisigit aalisartut
arlaannut kingunipiloqarsinnaasoq. Taamaattumik innersuussutigineqassaaq
Naalakkersuisut 15 mio kr.-nik nunaqarfiit illoqarfiillu ilaannut immikkut
iliuuseqarnissaannut aningaasaliisimmamata. Aningaasaliissutit sulinermut,
ilinniaqqinnissamut, atuaqqinnissamut ingerlaqqinnissamullu atorneqassapput.
Taamaammatt aalisartut saarullitassat ikilineqarnerinik kalluarneqartut
periarfissaqarput ukuninga aningaasanik immikkoortitanit atuinissamut.
Inussiarnersumik inuulluaqqusillunga

18. december 2009
J.nr. 01.28.09

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl

Ane Hansen
Aalisarnermut Piniarnermut Nunalerinermullu Naalakkersuisoq